



Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Instructio V. Traditur modus ad puritatem & castimoniam Angelicam enitendi.

[urn:nbn:de:hbz:466:1-55232](#)

INSTRUCTIO QUINTA.

Traditur modus ad puritatem & castimoniā Angelicam enitendi.

Angelicā stude, mente & corpore puritatem æmulari, & hoc trūm sit symbolū, quod semper in corde, quod in ore, quod in omni actione tua præ te feras : *Malo mori, quam fædari.* Angelus autem animo eris, si nullam in eo impuriorem imaginationem multò minus desiderium patiare, sed si te impetat, sollicitè & celeriter repugnes, ne cordis tui penetralia subeat.

Angelus eris ore, si omni studio caveas, ne unquam ex ore tuo ullum minus pudicum probatumque verbulum elabatur, si vites teneros, effeminatos, délicatulos, & affectatos ridendi & loquendi modos; si sermonem abstineas, non modò ab omni re turpi; sed etiam naturali quacunque minus decenti.

Angelus demum eris in actionibus tuis, si in gestu & totius corporis compositione nihil se prodat, quod aliquam vel inverecundiam, vel levitatem, vel liberiorem ac præfidentiorem agendi modum sapiat. Atque hinc incessus tuus sit virilis & matus, aspectus oculorum non sit nimium mollis, tener & gratus, multò minus protervus & impudens. Arceantur oculi ab aspectu speciosorum hominum, etiam proprii corporis, etiam ab otiosa contemplatione propria.

priarum manuum sintne illæ elegantulæ, imundæ & benè proportionatæ: abstineantur manus ab omni affectu non modo impuro, sed etiam sensuali manus & faciei alterius. Dum te ad dormiendum componis, nulla pars corporis nuda appareat, & situs jacentis in lecto, sit talis, quem etiam in præsentia virorum gravium, si coram his necessariò jacendum esset, non erubesceres, vitabisque omnem etiam ulnarum & brachiorum denudationem, non modo dum sanus, sed etiam dum æger decumbis. Conversatio tua, licet cum personis sanctis, nihil tamen habeat humanum aut minus puræ ac defæcatæ affectionis admixtum. Demum amore castitatis etiam mundus & pudicus sit vestitus tuus, munda cubicula & conclave, ut nihil in illis sit inordinatum, nihil minus compositum, ut nunquam verecunderis si magnæ authoritatis vir ex improviso cubiculum ingrediatur. ne videlicet tum necesse sit, aliqua subito ex oculis amovere. Exterior hæc compositio & mundities, index sit & argumentum interioris. Quantò castior & purior eris, tanto maiores habebunt delicias Iesu Maria & Angeli, ut tecum convergentur.

INSTRUCTIO SEXTA.

Declarantur actiones Paupertatis Christianæ & Religiosæ.

J. J.